




1429

Broj: 01-3-04-3647/25  
Sarajevo, 11. 4. 2025. godine

**Bosna i Hercegovina**  
**Federacija Bosne i Hercegovine**  
**SKUPŠTINA KANTONA SARAJEVO**  
**Adresa: Reisa Džemaludina Čauševića br. 1**  
**71000 SARAJEVO**



**Predmet:** Odgovor na zastupničku inicijativu, dostavlja se.-

**Veza:** Vaš akt broj: 01-04-8708-9/25 od 14. 3. 2025. godine

Poštovani,

dana 21. 3. 2025. godine dostavljen nam je vaš akt sa 20. radne sjednice Skupštine Kantona Sarajevo, održane dana 14. 3. 2025. godine, broj i datum veze, u prilogu kojeg je dostavljena Zastupnička inicijativa zastupnice Marijele Hašimbegović.

Inicijativa je upućena radi stavljanja van snage Saglasnosti broj: 02-04-270-4/25 za dokument Instrukcije o postupanju u slučaju izricanja odgojno-disciplinske mjere „Isključenje iz srednje škole“ („Službene novine Kantona Sarajevo“ broj: 02/25) koju je donijelo Ministarstvo za odgoj i obrazovanje Kantona Sarajevo. U navedenoj inicijativi podnositeljica inicijative smatra, između ostalog, da je Instrukcija za koju je Vlada Kantona Sarajevo dala saglasnost neustavna i protuzakonita, u koliziji je sa Pravilnikom o izricanju odgojno-disciplinskih mjera u osnovnim i srednjim školama.

U obrazloženju Zastupničke inicijative navodi se da Institut za razvoj preduniverzitetskog obrazovanja Kantona Sarajevo pravno formalno nema propisane djelatnosti u Odluci o osnivanju za vršenje radnji kao što su davanje preporuka. Također, navodi se da su propisane djelatnosti Instituta definisane Standardnom klasifikacijom djelatnosti sa propisanim šiframa i nemaju ingerencije u davanju saglasnosti u kojoj školi učenik može nastaviti sa redovnim školovanjem. Ujedno ove radnje nisu u skladu sa Zakonom koji u svom članu 95. stav (8) propisuje da učenik može (a ne mora) nastaviti školovanje u nekoj drugoj ustanovi i Zakon nije

definisao nadležnost Instituta, ministra da donosi preporuke ili odluke da učenik ne može nastaviti redovno pohađanje škole uz adekvatno obrazloženje.

Također se navodi da je Instrukcijom onemogućena žalba roditelja učenika/staratelja ili direktora škole/centra koju preporučuje Institut i nije propisana dvostepenost postupka odnosno rješenja kojeg donosi ministar, a škola ga ne može odbiti ili izvršiti što je suprotno osnovnim ljudskim pravima zagarantovanih Evropskom konvencijom o ljudskim pravima.

U vezi Zastupničke inicijative dostavljamo sljedeći odgovor koji se odnosi na Institut:

Član 95. stav (8) Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj: 27/24) propisuje sljedeće: „Učenik kojem je izrečena mjera "isključenje iz srednje škole" može nastaviti obrazovanje u drugoj srednjoj školi u kojem će za učenika uz pomoć Instituta biti izrađen individualni plan podrške i individualni plan brige u skladu sa propisom kojeg, uz saglasnost Vlade, donosi Ministarstvo“. S tim u vezi, Vlada Kantona Sarajevo je donijela Odluku o davanju saglasnosti na Instrukciju o postupanju u slučaju izricanja odgojno-disciplinske mjere „Isključenje iz srednje škole“ broj: 02-04-270-4/25 od 09. januara 2025. godine, koja je objavljena u „Službenim novinama Kantona Sarajevo“ broj: 02/25. Na osnovu člana 95. stav (8) Zakona o odgoju i obrazovanju u osnovnoj i srednjoj školi u Kantonu Sarajevo i saglasnosti Vlade Kantona Sarajevo ministrica za odgoj i obrazovanje Kantona Sarajevo je donijela Instrukciju o postupanju u slučaju izricanja odgojno-disciplinske mjere „Isključenje iz srednje škole“ („Službene novine Kantona Sarajevo“ broj: 02/25), kojom je uređeno pitanje postupanja u slučaju izricanja odgojno-disciplinske mjere „isključenje iz srednje škole“.

Članom 9. stav (3) Odluke o osnivanju Javne ustanove Institut za razvoj preduniverzitetskog obrazovanja Kantona Sarajevo („Službene novine Kantona Sarajevo“, broj 37/21) je propisano da u obavljanju djelatnosti Institut:

- k) prati, vrednuje i ocjenjuje kvalitet rada odgojno-obrazovnih ustanova, odgajatelja/nastavnika/stručnih, saradnika i direktora u odgojno-obrazovnom procesu i psiho-socijalnom razvoju učenika;
- l) pruža stručnu podršku odgoju, obrazovanju i rehabilitaciji djece sa teškoćama u razvoju;
- ff) obavlja i druge poslove u skladu sa zakonom i ovom odlukom.

Na osnovu navedenog JU Institut za razvoj preduniverzitetskog obrazovanja Kantona Sarajevo može pružati stručnu podršku odgoju, obrazovanju i rehabilitaciji djece sa teškoćama u razvoju, što je i propisano članom 10. stav (9) Pravilnika o izricanju odgojno-disciplinskih mjera u osnovnim i srednjim školama („Službene novine Kantona Sarajevo“, broj 33/24) da škola u koju se upisuje učenik kojem je izrečena mjera "isključenje iz srednje škole" odmah




obavještava Institut koji pruža podršku školi prilikom izrade IPP-a ili IPB-a i prati realizaciju istog, prati adaptaciju učenika u novoj školskoj sredini, kao i koordinira saradnju škole koju je učenik pohađao i škole u koju je učenik upisan nakon izricanja mjere "isključenje iz srednje škole" u skladu s instrukcijom koju uz saglasnost Vlade Kantona Sarajevo donosi Ministarstvo, a u skladu s članom 95. stav (8) Zakona.

Članom 4. stav (1) Instrukcije o postupanju u slučaju izricanja odgojno-disciplinske mjere "isključenje iz srednje škole" („Službene novine Kantona Sarajevo“, broj 2/25) je propisano da Institut ima obavezu sačiniti stručno mišljenje u saradnji s stručnom službom škole koja je izrekla odgojno-disciplinsku mjeru "isključenje iz srednje škole", sa obrazloženjem u kojem će se na osnovu provedene stručne analize, izvršenog nadzora, najboljeg interesa učenika i vrste rizičnih faktora kojim je učenik izložen u porodici i široj društvenoj zajednici donijeti preporuku koju srednju školu učenik u riziku nastavlja pohađati (upis nove srednje škole).

Član 95. Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj: 27/24) propisuje Ulaganje žalbe na izrečene odgojno-disciplinske mjere, pa samim tim i mogućnost ulaganja žalbe školskom odboru škole u roku od tri dana od dana dostavljanja rješenja o izricanju odgojno-disciplinske mjere "isključenje iz srednje škole", odnosno pokrenuti upravni spor pred nadležnim sudom u Sarajevu u roku od 30 dana od dana prijema odluke Školskog odbora.

Uz pomoć Instituta izradi se individualni plan podrške i individualni plan brige, te Institut prati realizaciju istog, prati adaptaciju učenika u novoj školskoj sredini, kao i koordinira saradnju škole koju je učenik pohađao i škole u koju je učenik upisan nakon izricanja mjere "isključenje iz srednje škole".

S poštovanjem,



Direktorica Instituta

Senada Salihović

Dostavljeno:

1. Naslovu;
2. a/a.

web: <http://www.irpo.ba>


e-mail: [info@irpo.ba](mailto:info@irpo.ba)

Tel: (00 387 33) 778 600

Aleja Bosne Srebrene bb/IX, 71000 Sarajevo, Bosna i Hercegovina

1429

Broj: 07-02-34-2831/25  
Sarajevo, 24.03. 2025. Godine



Bosna i Hercegovina  
Federacija Bosne i Hercegovine  
Skupština Kantona Sarajevo  
Adresa: Reisa Džemaludina Čauševića 1.  
71000 Sarajevo

n/r Elvedin Okerić, Predsjedavajući Skupštine Kantona Sarajevo

**Predmet:** Informacija, dostavljena se-

**Veza:** Vaš akt broj: 01-04-8708-12/25 od 14.03.2025. godine

Poštovani,

Dana 21.03.2025. godine zaprimili smo Vaš akt broj i datum veze kojim ste JU Institut za razvoj preduniverzitetskog obrazovanja Kantona Sarajevo (u daljem tekstu: Institut) dostavili zastupničku inicijativu zastupnice Marijele Hašimbegović, a koja se odnosi na inicijativu radi izrade i donošenja Pravilnika o ishrani djece predškolskog uzrasta u Kantonu Sarajevo. S obzirom da u Zakonu o predškolskom odgoju i obrazovanju u Kantonu Sarajevo („Službene novine Kantona Sarajevo“, broj: 26/08, 21/09 i 33/21, 31/22) nije utvrđeno donošenje i izrada podzakonskog akta „Pravilnik o ishrani djece u predškolskim ustanovama Kantona Sarajevo“ Ministarstvo za odgoj i obrazovanje u Kantonu Sarajevo (udalem tekstu: Ministarstvo) u saradnji sa Institutom je izradilo propis pod nazivom „Smjernice za pravilnu ishranu djece ranog i predškolskog uzrasta u predškolskim ustanovama Kantona Sarajevo“. Cilj je osigurati da djeca dobijaju uravnotežene i nutritivno bogate obroke koji ne samo da zadovoljavaju njihove fiziološke potrebe već i podstiču radoznalost i ljubav prema hrani. Osnovni motivi, ispravnost i postupci pravilne ishrane djece ranog i predškolskog uzrasta podstakli su nas da izradimo praktičan i primjenjiv materijal. Nova naučna saznanja u području ishrane koja se odnose na sastav, vrstu namirnica i način njihove pripreme, kao i postojanje zabrinjavajućeg trenda pretilosti djece ranog i predškolskog uzrasta, zatim pripremljeni primjeri jelovnika urađeni prema uzrastu i godišnjim dobima sastavni su dio Smjernica. Stalnim povećanjem prostornih kapaciteta i

web: <http://www.irpo.ba>

e-mail: [info@irpo.ba](mailto:info@irpo.ba)

Tel: (00 387 33) 778 605

Aleja Bosne Srebrene bb/IX, 71000 Sarajevo, Bosna i Hercegovina





obuhvata djece u predškolskim ustanovama Kantona Sarajevo, težimo ostvariti jednake mogućnosti u pogledu kvalitetne i kvantitativne, raznovrsne i balansirane ishrane po uzrastima za svu djecu od 6 mjeseci do polaska u školu koja su upisana u predškolskim ustanovama u Kantonu Sarajevo. Primjena Normativa i standarda ishrane čini osnovu za pravilno planiranje, organiziranje i kontrolu ishrane.

Ishrana u predškolskim ustanovama mora se organizirati i stručno pratiti. To je jedina garancija da će dijete različite uzrasne dobi dobiti količinu hrane koja po sastavu odgovara njegovim potrebama. U priručniku Smjernice za zdravu ishranu djece predškolskog i školskog uzrasta (Federalno ministarstvo obrazovanja i nauke, Federalno ministarstvo zdravstva, Zavod za javno zdravstvo Federacije Bosne i Hercegovine, Sarajevo, 2012. god.) velika se pažnja u predškolskim ustanovama pridaje ishrani djece, ukazujući prvenstveno na poštivanju važećih Normativa i standarda za ishranu djece u odgojno-obrazovnim ustanovama. Načela pravilne ishrane, prema preporukama Svjetske zdravstvene organizacije (SZO), zasnivaju se na usklađivanju izbora i količine hrane u skladu s uzrastom, spolom i energetskim i nutritivnim zahtjevima. Svaka predškolska ustanova obavezna je pridržavati se Zakona o hrani ("Službeni glasnik BiH", br. 50/04) i ostalih zakonskih propisa vezanih za hranu, u skladu s važećim Normativima za planiranje, projektovanje, izgradnju i namještaj ustanova za predškolsko vaspitanje obrazovanje u SR Bosni i Hercegovini, prema Odluci o Pedagoškim standardima i normativima za predškolski odgoj i obrazovanje Kantona Sarajevo ("Službene novine Kantona Sarajevo", br. 46/16, 12/21 20/22, 35/24, 3/25). Priručnik za roditelje Vodič za zdravu ishranu djece predškolskog i školskog uzrasta (2014) također naglašava značaj pravilne ishrane djece predškolskog uzrasta i školskog uzrasta. Najveći dio dana djeca i provedu u predškolskoj ustanovi i nama je cilj da svaki aspekt tog boravka bude siguran.

Imajući u vidu da su članom 14., stav (1) Zakona o predškolskom odgoju i obrazovanju u Kantonu Sarajevo propisani zadaci predškolskog odgoja i obrazovanja, gdje je između ostalih predviđeno obezbjeđivanje uvjeta i podrške za optimalan rast i razvoj (promovisanje zdravog načina života), s ciljem ostvarivanja prava djece u predškolskim ustanovama za zdravu i pravilnu ishranu, Institut je formirao radnu grupu stručnih eksperata koja je izradila prijedlog dokumenta „Smjernice za pravilnu ishranu djece ranog i predškolskog uzrasta u predškolskim ustanovama Kantona Sarajevo“ i dostavio Ministarstvu. Ministarstvo je usvojilo Smjernice koje su već u upotrebi. Značaj dokumenta se ogleda prvenstveno u praktičnim i korisnim uputama svim predškolskim ustanovama i roditeljima/starateljima/hraniteljima prilikom boravka djece ranog i predškolskog uzrasta u predškolskim ustanovama Kantona Sarajevo, kao i u pravilnoj pripremi dječije ishrane, obroka i serviranja za djecu, ne zanemarujući djecu koja imaju poseban režim ishrane a borave u predškolskoj ustanovi. Neizostavan je HACCP sistem, to u praksi znači da vodi brigu o svim koracima- od nabavke namirnica, njihovog pravilnog skladištenja, pa do higijenske pripreme i posluživanja obroka. Na prvi pogled, HACCP sistem može izgledati kao dodatni administrativni teret, ali zapravo je on važan alat koji štiti sve uključene – djecu, radnike i direktore predškolskih ustanova Kantona Sarajevo.

Smjernice su urađene sa svim ključnim pitanjima i nedoumicama sa kojima se svakodnevno suočavaju radnici i direktori u predškolskim ustanovama tokom rada, a upotpunjen je i primjerima iz prakse, a sve u cilju razvijanja zdravih/pravih prehrambenih navika od najranije dobi.

**Prednost korištenja urađenog propisa-** „Smjernice za pravilnu ishranu djece ranog i predškolskog uzrasta u predškolskim ustanovama Kantona Sarajevo“;

- Prvenstveno je namijenjen uposlenicima i roditeljima predškolske ustanove kao putokaz ka pravilnim dječijim prehrambenim navikama,
- Definisane su konkretne upute za **pravilnu ishranu djece ranog i predškolskog uzrasta**,
- Ukazana obilježja nepravilne ishrane djece ranog i predškolskog uzrasta u predškolskoj ustanovi,
- Utvrđeni i objedinjeni zakonski propisi i akti koji regulišu pitanje ishrane djece u predškolskim ustanovama,
- Izrađeni su tabelarni prikazi energetske i nutritivne vrijednosti prema spolu i uzrastu djece,
- Preciziran kroz tabelarni prikaz potrebne količine vode prema uzrastu,
- Podsjetnik o značaju dojenja i urađeno uputstvo o dohrani djece,
- Jasno definisano kako izgleda trpezarija i prostor u u kojoj djeca objeduju,
- Predstavljen sistem sigurnosti hrane HACCP kroz cjelokupni prikaz procesa prijema, skladištenja i termičke obrade hrane,
- Urađene upute o pakovanju i odlaganju viška hrane koja ostaje nakon pripremljenih obroka u predškolskoj ustanovi ,
- Stručno su predstavljeni modeli ishrane „Moj tanjir“ i metoda „Semafor“,
- Tumačenje o tome zašto je važno koristiti propisanu ličnu higijenu osoblja koje rukuje hranom,
- Kako proslavljamo rođendan u vrtiću i šta ponuditi djeci tokom proslave rođendana,
- Kako pripremiti obroke za djecu s posebnim režimom ishrane– upravljanje alergenima,
- Ponuđene su teme za edukaciju djece, roditelja u saradnji sa nadležnim institucijama, službama i udruženjima,
- Jasno definisana preporučena hrana u predškolskoj ustanovi,
- Ponuđeni su Jelovnici za djecu ranog i predškolskog uzrasta od 1-3 godine i od od 3 godine do polaska u školu prema godišnjim dobima: jesen/zima i proljeće/ljeto sa tačno izračunatim energetske vrijednostima svakog obroka;
- Jasno definisano ko čini komisiju za izradu jelovnika u predškolskoj ustanovi, ne izostavljajući nutricionistu i naravno predstavnika Vijeća roditelja uz obavezni odgovorajući stručni kadar.




„Smjernice za pravilnu ishranu djece ranog i predškolskog uzrasta u predškolskim ustanovama Kantona Sarajevo“ će služiti kao normativni okvir Ministarstvu za odgoj i obrazovanje Kantona Sarajevo, svim predškolskim ustanovama i roditeljima/starateljima/hraniteljima prilikom boravka djece ranog predškolskog uzrasta u predškolskim ustanovama Kantona Sarajevo i već su donesene.

Zahvaljujem na Vašem interesovanju.

S poštovanjem,

Dostavljeno:

1. Naslovu;
2. a/a.




Direktorica Instituta

Senada Samirovic



1429

>Broj: 07-02-34-2818./25  
Sarajevo, 24.03. 2025. Godine



**Bosna i Hercegovina**  
**Federacija Bosne i Hercegovine**  
**Skupština Kantona Sarajevo**  
**Adresa: Reisa Džemaludina Čauševića 1**  
**71000 Sarajevo**

*n/r Elvedin Okerić, Presjedavajući Skupštine Kantona Sarajevo*

**Predmet:** Informacija, dostavlja se-

**Veza:** Vaš akt broj: 01-04-8708-12/25 od 14.03.2025. godine

Poštovani,

Dana 21.03.2025. godine zaprimili smo Vaš akt broj i datum veze kojim ste JU Institut za razvoj preduniverzitetskog obrazovanja Kantona Sarajevo (u daljem tekstu: Institut) dostavili zastupničku inicijativu zastupnice Marijele Hašimbegović, a koja se odnosi na brojno stanje u pojedinim predškolskim ustanovama JU „Djeca Sarajeva“, Sarajevo, tačnije za vrtiće „Slavuj“, „Skenderija“, „Zvončić“, „Lane“ koji prema Odluci o Pedagoškim standardima i normativima za predškolski odgoj i obrazovanje Kantona Sarajevo („Službene novine Kantona Sarajevo“, br. 46/16, 12/21 20/22, 35/24) obavljaju odgojno-obrazovni rad sa brojem djece ispod minimuma. Pored ovih vrtića tokom analize dostavljenog Polugodišnjeg izvještaju o radu JU „Djeca Sarajeva“ za period septembar 2024.- januar 2025. godine u poređenju sa prošlom školskom godinom, evidentno je da je u školskoj 2024.-2025. godini u JU „Djeca Sarajeva“ (podaci uvršteni u Polugodišnjem izvještaju o radu JU „Djeca Sarajeva“) manji broj upisane djece za 167.

Očito je da je u prikazanim tabelama u polugodišnjem izvještaju broj djece pojedinim odgojnim grupama u Cjelovito razvojnom programu zastupljen ispod minimuma, a odgojne grupe imaju zaposlene u smjeni po dva odgajatelja i realiziraju odgojno-obrazovni rad sa tako malim brojem djece za razliku od punih kapaciteta koji su izraženi na Ilidži, Novom gradu. Takva situacija sa malim brojem djece je prikazana u organizacionoj jedinici Stari grad, Centar i u pojedinim vrtićima u organizacionoj jedinici Novo Sarajevo, Novi grad (npr. vrtići „ŽIŠ“, „Dunje“ gdje je neophodno bilo tražiti rješenje, obavijestiti blagovremeno resorno ministarstvo i pristupiti izmjeni te preformulisati mješovite odgojne grupe, a to su npr. vrtić „Lane“...“odgojna grupa uzrasta 2-3 godine života“- upisano 8 djece, a prema pedagoškim standardima i normativima je optimum 16 (minimum 14- maksimum 18),

web: <http://www.irpo.ba>

e-mail: [info@irpo.ba](mailto:info@irpo.ba)

Tel: (00 387 33) 778 605

Aleja Bosne Srebrene bb/IX, 71000 Sarajevo, Bosna i Hercegovina





-Vrtić „Višnjik“ obuhvata mali broj upisane djece, a u odgojnoj grupi u 5. godini života upisano 19 djece, a prema pedagoškim standardima treba biti 23 (18-29), a u 6. godini života je upisano 20, a omjer je 26 (20-32), dakle uočen minimum i kada bi proanalizirali prosjek dolaznosti djece taj broj je manji od minimuma.

-Vrtić „Slavuj“, odgojna grupa u 4. godini života upisano 8 djece, a prema pedagoškim standardima i normativima/ optimum 21 (min. 16- max 27). Neophodno je zbog manjeg broja upisa djece i velikog broja raspoloživih mjesta ukazati na situaciju u vrtiću organizacione jedinice Novo Sarajevo, a to su vrtići „Mašnica“, „Košuta“, „Rosica“, posebno osvrt na vrtić „Zvončić“ pošto su grupe ispod minimuma. Očito je da se nisu održavale sjednice Menadžmenta Ustanove, Pedagoški savjet JU „Djeca Sarajeva“, sastanci odgovornih odgajatelja kako bi adekvatno rješavali problem manjka broja djece. Ovaj problem obavezno se trebao razmatrati na Pedagoškom savjetu (pedagoško– psihološka služba) kako bi se provjerila ažurnost rada EMIS odgovorne osobe, administratora zaduženi u unos i provjeru podataka u sistem EMIS-Predškolsko. Obavezno se trebala tražiti saglasnost od Ministarstva za odgoj i obrazovanje Kantona Sarajevo za promjene naziva odgojnih grupa kako bi se popunila raspoloživa slobodna mjesta. Organizacija rada je prevashodno obaveza direktora i u dogovoru sa informacijama od odgovornih odgajatelja, šefova službi, koordinatora za odgojno-obrazovni rad, potrebno je vršiti kontinuirano praćenje brojnosti djece, monitoring i kontinuirane evaluacije kako bi se ova problematika prevazišla. Pri tome direktorica Javne ustanove „Djeca Sarajeva“ kao i ostali djelatnici odgojno-obrazovnog procesa kao odgovorno lice mora voditi računa da je upis djece regulisan u skladu s Pravilnikom o primjeni informacionog sistema EMIS u predškolskim ustanovama u Kantonu Sarajevo (Službene novine Kantona Sarajevo, broj: 53/23), pošto u članu 16. u alineji (2) stoji: Statistički podaci koji se nalaze na zvaničnoj Web stranici sistema Emis – predškolsko smatraju zvaničnim i mjerodavnim statističkim podacima i kao takvi se koriste u predškolskim ustanova i Ministarstvu“. Zainteresirani roditelji djece u Kantonu Sarajevo pristupaju upisu putem Sistema EMIS Predškolsko prema raspoloživim mjestima kroz faze upisa, transparentne svim zainteresiranim roditeljima, te informacijama koje Ministarstvo za odgoj i obrazovanje Kantona Sarajevo objavljuje na web stranici i prosljeđuje medijima. Činjenica je da ovakvim sistemom upisa djece u Bosni i Hercegovini zauzimamo prvo mjesto obuhvata djece ranog i predškolskog uzrasta u registrovanim predškolskim ustanovama Kantona Sarajevo.

S poštovanjem,

Dostavljeno:

1. Naslovu;
2. a/a.



**Direktorica Instituta**

**Enada Salihovic**

web: <http://www.irpo.ba>

e-mail: [info@irpo.ba](mailto:info@irpo.ba)

Tel: (00 387 33) 778 605

Aleja Bosne Srebrene bb/LX, 71000 Sarajevo, Bosna i Hercegovina